



## MITRING\*WIENACHT-KONZERT IN OLTEN

### Mitsing\*Wienacht – Liedtexte

#### Bald, bald isch Wienacht

Bald, bald isch Wienacht  
Heilig Aabig staat vor de Tüür  
Es chlopfet (3-mal chlopfen)  
Chlopfet aa bi dir und bi mir

#### S grööschte Gschänk

S grööschte Gschänk vo de Wienacht  
Liit nöd underem Chrischtbaum daa  
Es isch nöd iipackt in Papier  
Kei Bündel und keis Chärtli draa  
Es häts niemert gchauft und niemert gmacht  
S isch gliich s Grööscht vo de Wienacht  
S isch gliich s Grööscht vo de Wienacht

S grööschte Gschänk vo de Wienacht  
Ghöört nöd öpperem elei  
Es isch au nöd nur a eim Ort  
Es isch bi alne Lüt dihei  
Ja, s grööschte Gschänk hät Gott öis gmacht  
A der eerschte Wienacht  
De Jesus hät er zu öis gla  
Dass mir chönd Fröid und Fride ha

#### Ich bin de Zimmermaa

Ich bin de Zimmermaa  
Mich stellt mer immer aa  
Bruuchsch es Huus, e Tüür, es Dach  
Da bin ich de Maa vom Fach

#### Gott grüesst dich, Maria

Gott grüesst dich hüt, Maria  
Heb e kei Angscht vor mir  
Dee, wo dich grüesst, Maria  
Hät Grosses vor mit dir

Gott grüesst mich hüt, d Maria  
Ich han kei Angscht vor dir  
Dee, wo mich grüesst, d Maria  
Hät Grosses vor mit mir

Gott schickt siin Sohn uf d Erde  
Ich söll ihm Muetter sii  
Miin Sohn wird König werde  
Siis Riich gaat nie verbii

#### Befeel vom Kaiser

Ta ram ta tam ta ram ta tam  
Ta ra ta ta tam ta tam  
Ta ram ta tam Ta ram ta tam  
Ta ra ta ta tam ta tam  
Ram tam tam tam  
Ram tam tam  
Ta ram ta tam  
Ta ram ta tam ta tam

Losed ali guet, was ich verzele:  
De Kaiser Auguschtus häts so wele  
Em Kaiser ischs nöd gliich  
Wivil Mäntsche s hät im Riich



## MITsing\*WIENACHT-KONZERT IN OLTEN

Und drum tüemer all Bewoner einzeln zele  
 Wehe, alnen uufmüpfige Gsele!  
 Wehe, wänn ihr öi nöd lönd la zele!  
 Mir finded öi sehr glii  
 Und dänn speered mir öi ii  
 De Kaiser Auguschtus häts so wele

### Esel lauf mit

Esel lauf mit  
 Schritt für Schritt  
 Feschte Tritt  
 Langsame Gang  
 Stock und Stei  
 Müedi Bei  
 De Wääg uf Betlehem isch lang

Gäll, du weisch, die jungi Frau  
 Wo du treisch, treit es Chindli au  
 Trääg si wiit, trääg si süüferli  
 Bald isch Ziit, ihres Chind chunt glii

### En helle Stern

En helle Stern inre dunkle Nacht  
 Hät de Mäntsche Hoffnig praacht  
 Stern, staa still bi öisem Huus  
 Straal diis Liecht für ali uus

Stern vo Betlehem  
 Schiin in Stall  
 Lüücht hüt znacht i öises Huus  
 Straal, straal überall.

### Händ und Füess

Josef, Maria, sind müed und elei  
 I dem düschtere Stall  
 Wiit eweg vo dihei  
 Josef, Maria, die zwee händ elei  
 Im Stroh ihres Chind, ihres Chind übercho

Fascht ohni Wort a dem eifache Ort  
 Hät Gott Händ und Füess  
 Hand und Fuess übercho

### Es nöis Lied

Hal-le-lu-ja, hal-le-lu-ja...  
 Schalom, schalom...  
 Halleluja, halleluja...

Händ kei Angscht vor öis  
 Mir singed öi es nöis  
 Lied i öii Nacht, won öi fröölich macht

Es Chind hät Friede praacht  
 Gebore die Nacht  
 Z Betlehem im Stall  
 Laufed Hirten all

### Luege, lose, laufe

Hirte, lueged, lueged, lueged Hirte hii  
 D Nacht isch hell und d Dunkelheit verbii  
 Hirte, losed, losed, losed Hirte guet  
 Losed uf das, wo Gott öi säge tuet:



## MITRING\*WIENACHT-KONZERT IN OLTEN

D Fridesglogge lüüted scho  
Gott isch nööch, Gott isch cho  
D Fridesglogge lüüted scho  
Gott isch nööch, Gott isch cho

Hirte, laufed, laufed, laufed Hirten all  
Aben uf Betlehem, sueched en Stall  
Hirte, springed, springed, springed wie de Wind  
Deete liit das versprochne Chind  
Gwicklet in Windle liits im Stroh  
Gott isch nööch, Gott isch cho  
Gwicklet in Windle liits im Stroh  
Gott isch nööch, Gott isch cho

### Still isch d Nacht

Still isch d Nacht, heilig isch d Nacht  
D Ängel händ e Botschaft praacht  
Uf de Fälde händs d Hirte verno  
Sind zum Stall vo Betlehem cho  
Sueched es chliises Chind  
Sueched es chliises Chind

Still isch d Nacht, heilig isch d Nacht  
Psst, das s Chindli nöd verwacht  
Seit de Josef de Hirte is Ohr  
Si gönd still ine und stönd dänn devor  
Vor em schlafende Chind  
Vor em schlafende Chind

Still isch d Nacht, heilig isch d Nacht  
Lueg emaal, wie s Chind verwacht  
S straalet ali Mäntsche aa  
D Ängel singed: «Halleluja  
Jesus, de Retter, isch da  
Jesus, de Retter, isch da»

### Drüü Könige sind daa

Tatara tataa - Drüü Könige sind daa  
Titeri titii - Wo wänd die drüü ächt hii?  
Tüterü tütüü - Was bringed ächt die drüü  
Edle Herre da here zum Stall?

Mir sueched es Chind  
Wo vom Himmel isch cho  
De Stern seits de Wält  
Und au mir händs verno  
Das Chind isch zwar arm  
Das Chind isch zwar chlii  
Doch grösser als mir  
Und zu ihm wämmer hii  
Doch grösser als mir  
Und zu ihm wämmer hii

### Ali singed mit

Lang isch es her  
Z Betlehem uf em Fäld  
Tuet de Himmel sich uuf  
Töönt es Lied uf de Wält  
Jesus isch da!  
Das Lied ghöorsch no hüt  
Ja, de Himmel und d Erde  
Und mir singed mit

Josef, Maria, Hirten und Ängel  
Drüü weisi König, du und ich  
Mir singed mit

Jede cha cho in Stall vo Betlehem  
D Tüüre isch offe, de Himmel isch wiit  
Und ali singed mit